

Allannguutissatut siunnersuut

Uunga

Uunga siunnersuut: Soraarnerussutisiaqalernissamut aaqqissuussinermut peqataasussaataaneq pillugu Inatsisartut inatsisaata allanngortinneqarnissaa pillugu Inatsisartut inatsisaat nr. xx,xx. xxx 2020-meersoq

Aappassaaneerinninnermi Naalakkersuisunit saqqummiunneqartoq

§ 2-mut

1. § 2 ima oqaasertalerneqassaaq:

”§ 2

Inatsisartut inatsisaat ulloq 1. januar 2021 atuutilissaaq.

Imm. 2. Ukiumut isertitaqarfiusumut 2020-mut ileqqaarnissamut tunngavissat naatsorsorneqarneranni, tjenestemandit pillugit inatsit naapertorlugu aningaasarsiat tunniunneqartut ilanngunneqassanngillat.”

Nassuiaatit nalinginnaasut

Tjenestemandit, tjenestemandit pillugit inatsimmut ilaasut, tjenestemandit allat assigalugit tjenestemanditut soraarnerussutisianik aaqqissuussinermut ilaapput. Taamaammatt tjenestemandit pillugit inatsit naapertorlugu aningaasarsiat tunniunneqartunut suli soraarnerussutisianik katersiviusarnissaannik piumasaqarneq pissutissaqanngissorineqarpoq. Tamanna aamma 2020-mut atuuppoq, taamaammallu ileqqaagaqarnissamik piumasaqaatip aamma ukioq isertitaqarfiusoq 2020 aallarnerfigalugu atorunnaarsinneqarnissaa siunnersuutigineqarpoq.

Ukiumut isertitaqarfiusumut 2020-mut ileqqaarnissamut tunngavissat naatsorsorneqarneranni, tjenestemandit pillugit inatsit naapertorlugu tjenestemandinut aningaasarsiat tunniunneqartut ilanngunneqannginnissaat allannguutip nassataraa. Tjenestemandit allat assigalugit, tapinik il.il. aningaasarsiat, inatsisip sinaakkutaasa avataasigut tjenestemandimut tunniunneqartut, suli ileqqaarnissamut tunngavissanut ilanngullugit naatsorsorneqartarnissaat, taamaalillutillu katersinissamut pisussaaffimmut tunngavissiinissaat atuuppoq.

Siunnersuummi aalajangersakkanut ataasiakkaanut nassuiaatit

Nr. 1-imut

Inatsisip ulloq 1. januar 2021 atuutilernissaa, 2020-mullu ileqqaarnissamut tunngavissanik naatsorsuinermi tjenestemandit pillugit inatsit naapertorlugu aningaasarsiat tunniunneqartut ilanngunneqannginnissaat, siunnersuutigineqarpoq.